

# Kev Npaj Rau Koj Tus Me Nyuam Mos Qhov Kev Teem Caij Kuaj Kev Hnov Lus

Lub Khoos Kas Kev Kuaj  
Xyuas Me Nyuam Yug  
Tshiab Hauv Minnesota



## Koj tus me nyuam mos qhov kev teem caij kuaj kev hnov lus

Hnub Tim (HLI/HNUB/XYOO):

Sij hawm (Sawv Ntxov/Tsaus Ntuj):

Npe Chaw Kuaj Mob:

Xov Tooj Ntawm Lub Chaw Kuaj Mob:

## Tus kws kuaj hnov lus yog dab tsi?

Tus kws kuaj hnov lus yog ib tug kws kho mob uas tau txais kev cob qhia los kuaj thiab tswj hwm kev tsis hnov lus ntawm cov me nyuam yug tshiab, cov me nyuam yaus, thiab cov neeg laus. Tus neeg uas tsis hnov lus tuaj yeem hnov ib qee yam suab uas tej zaum lwm leej lwm tus tsis hnov dab tsi hlo li. Muaj ntau hom kev tsis hnov lus mus raws nyias qhov teeb meem nrog ib los sis ntau feem ntawm lub pob ntseg. Ua kom tiav qhov kev txheeb xyuas ntawm hom thiab qhov hnyav ntawm kev tsis hnov lus los ntawm ib tug kws kuaj hnov lus ntawm me nyuam yaus uas muaj kev paub dhau los yog ib qho tseem ceeb txawm rau xyuas kom meej txog qhov kev npaj uas yog tshaj plaws rau kev soj ntsuam thiab kev tswj hwm qhov kev tsis hnov lus ntawd.

## Vim li cas kuv tus me nyuam thiaj li mus ntsib tus kws kuaj suab?

Qhov kev ntsuam xyuas kev hnov lus uas koj tus me nyuam tau txais thaum yug los/tsis ntev tom qab yug los yog ib qhov kev kuaj xyuas. Yog hais tias tus me nyuam mos tsis hla dhau qhov kev kuaj xyuas ntawd, ces nws qhia peb hais nws tsim nyog muaj kev kuaj ntxiv los ntawm tus kws kuaj hnov lus. Qhov kev ntsuam xyuas uas ua tiav los ntawm tus kws kuaj suab yog tib txoj hauv kev uas yuav ua rau paub tseeb tias koj tus me nyuam mos hnov txhua lub suab uas tseem ceeb rau kev hais lus thiab kev paub lus zuj zus tuaj.

## Qhov kev teem caij kuaj mob yuav siv sij hawm ntev npaum li cas?

Cov kev teem caij kuaj mob yuav siv sij hawm ntev li 1-3 teev. Qee zaum nws tsis yog hais tias yuav ib txwm ua tau tiav qhov kev kuaj txog kev hnov lus nyob rau ib zaug kev teem caij kuaj mob. Yog tias tsim nyog muaj qhov kev teem caij kuaj mob zaum thib ob, ces yuav muab teem sij hawm kom sai npaum li sai tau.

## Kuv yuav tsum nga dab tsi nrog kuv mus rau tom kuv tus me nyuam mos qhov kev teem caij kuaj mob?

- Koj daim npav tuav pov hwm
- Daim ntawv xa yog tias tsim nyog muaj
- Cov npe tshuaj tam sim no
- Cov uas kuaj pom txog kev hnov suab thiab/los sis cov kev ntsuam xyuas yav tas los
- Txhua yam txog ntawm keeb kwm tsev neeg uas muaj kev tsis hnov lus thaum yau
- Cov npe/chaw nyob ntawm cov neeg uas tej zaum koj xav kom xa tsab ntawv ceeb toom mus rau

## Kuv yuav tsum ua dab tsi ua ntej yuav txog qhov teem caij kuaj mob?

Cov kev kuaj mob no yuav ua tau yooj yim tshaj plaws thaum koj tus me nyuam tab tom tsaug zog. Txhawm kom ntseeg tau hais tias koj tus me nyuam tsaug zog nyob rau lub sij hawm uas kuaj:

- Tsis txhob cia koj tus me nyuam pw tsaug zog ua ntej yuav txog qhov kev teem caij kuaj mob los sis nyob rau lub sij hawm caij tsheb mus rau tom qhov chaw kuaj mob.
- Tsis txhob pub mis rau koj tus me nyuam mos ua ntej qhov kev teem caij kuaj mob. Koj yuav pub tau mis rau koj tus me nyuam tom chaw kuaj mob ua ntej yuav kuaj.



## Yuav muaj dab tsi tshwm sim thaum lub sij hawm teem caij kuaj kev hnov lus?

Tus kws kuaj suab yuav sau cov xov xwm hais txog koj tus me nyuam qhov keeb kwm kho mob, txog ntawm koj qhov kev xeeb tub/kev mob plab yug me nyuam/kev yug tus me nyuam no tawm los, thiab txog ntawm keeb kwm tsev neeg.

Thaum koj tus me nyuam tseem tab tom tsaug zog, tus kws kuaj suab yuav kuaj koj tus me nyuam lub pob ntseg thiab ua qhov kev ntsuam xyuas txog kev hnov lus. Hom kev kuaj xyuas uas yuav ua kuj yuav xam muaj:

- Kev Teb Rov Qab Ntawm Cov Ces Paj Hlwb Txog Kev Hnov Lus (ABR - Auditory Brainstem Response) – Yuav muab cov sensor tso rau ntawm koj tus me nyuam lub hau pliaj thiab ob sab pob ntseg txhawm rau ntsuas lub hlwb qhov kev teb rov qab rau cov suab. Yuav muab cov cuab yeej mloog pob ntseg tso rau ntawm ib sab pob ntseg zuj zus txhawm rau xa cov suab kuaj xyuas. Koj tus me nyuam yuav tsis muaj kev teb rov qab ntawm lub cev rau cov suab, tab sis cov sensor yuav ntsuas tau tias koj tus me nyuam teb rov qab tau zoo npaum li cas rau cov suab. Qhov kev kuaj xyuas no yuav pab txiav txim seb puas muaj ib qho kev tsis hnov suab twg. Yog tias muaj kev tsis hnov suab, nws tuaj yeem muab tau cov xov xwm hais txog hom kev tsis hnov suab.
- Kev Tso Pa Otoacoustic Tawm (OAE - Otoacoustic Emissions) – Yuav muab ib lub hau roj hmab muag muag tso rau ib sab pob ntseg txhawm kom xa tau cov suab muag thiab ntsuas lub suab ntxhe uas tshwm sim thaum lub pob ntseg ua hauj lwm raws li ib txwm. Qhov kev kuaj xyuas no feem ntau yuav muab siv ua ke nrog rau lwm yam kev kuaj xyuas txhawm kom muab tau qhov kev kuaj pom uas tseeb tshaj plaws.
- Kev Kuaj Tympanometry – Yuav muab ib lub hau roj hmab muag muag tso rau ib sab pob ntseg uas ntsuas seb lub qhov ntsej txav chaw li cas. Thaum siv qhov kev kuaj xyuas no ua ke nrog lwm yam kev kuaj xyuas, nws tuaj yeem muab tau qee yam kev qhia txog qhov uas muaj feem ua rau tsis hnov suab.

## Kuv tus me nyuam mos puas yuav hnov mob?

Koj tus me nyuam mos yuav tsis hnov mob dab tsi nyob rau ib lub sij hawm twg ntawm qhov kev kuaj xyuas li. Qhov kev tso cov hau roj hmab muag thiab cov sensor yuav tsis muaj kev puas tsuaj rau koj tus me nyuam mos. Feem ntau cov me nyuam mos yuav nti thiab ntswj ib ce thaum muab muab qhov cuab yeej kuaj xyuas tso rau thaum xub thawj tab sis yuav nyob twj ywm thaum muab tuav ti ti thiab muab puag kiag.



## Kuv puas yuav tau txais cov txiaj ntsig ntawm qhov kev kuaj xyuas rau tam sim ntawd kiag?

Tus kws kuaj suab yuav qhia tau rau koj hais tias thaum twg mam tau cov txiaj ntsig ntawm kev kuaj xyuas thiab leej twg yuav yog tus muab cov txiaj ntsig ntawd rau koj. Yog tias muaj lus nug txog cov txiaj ntsig, koj yuav tsum tiv tauj rau lub chaw kuaj mob txog kev hnov suab.

## Yuav ua li cas yog tias kuv tus me nyuam mos tsis tsaug zog nyob rau tag nrho lub sij hawm kuaj xyuas ntawd?

Koj tus me nyuam mos muaj hnuv nyoog yim mos ces nws nws yim muaj feem yuav pw tsaug zog ntau dua nyob rau thaum kuaj xyuas, tab sis qee zaum kuj yuav tsim nyog muaj ib zaug kev teem caij kuaj mob ntxiv thiab. Hais txog cov me nyuam mos uas muaj hnuv nyoog siab zog, ces koj tus me nyuam tus kws kho mob yuav pom zoo siv tshuaj tsaug zog txhawm rau pab ua kom nws pw tsaug zog rau tag nrho lub sij hawm uas tsim nyog rau qhov kev ntsuam xyuas kom tiav hlo. Txhawm rau txo qhov kev muaj feem ntawm kev siv tshuaj tsaug zog, ces qhov zoo tshaj mas koj yuav tau teem caij kuaj mob kom sai li sai tau.

## Yuav ua li cas yog tias muaj qee yam tshwm sim tuaj, thiab kuv yuav tsum tau rov teem sij hawm dua rau kuv tus me nyuam mos qhov kev teem caij kuaj mob?

Nws yog ib qho tseem ceeb heev uas koj tus me nyuam mos yuav tau ntsib tus kws kuaj suab. Yog tias koj tsis tuaj yeem tsim tau qhov kev teem caij kuaj mob raws li tau teem sij hawm lawm, ces thov caw rov teem dua sij hawm rau qhov kev kuaj kev hnov suab tam sim ntawd kiag.